

16 SEP 1996  
PAUM-Kuliah  
SIRI KULIAH DIRASMIKAN OLEH PM

KUALA LUMPUR, 16 Sept (Bernama) -- Perdana Menteri Datuk Seri Dr Mahathir Mohamad akan merasmikan siri kuliah anjuran Persatuan Alumni Universiti Malaya (PAUM) pada 15 Okt ini.

Timbalan Presiden PAUM Datin Seri Rosmah Mansor berkata ia sebagai satu inisiatif persatuan yang memandang berat cabaran yang pasti dihadapi generasi baru dalam abad akan datang.

Kuliah itu bertujuan membantu menyiapkan generasi pemimpin akan datang supaya mereka dapat menangani cabaran-cabaran yang bakal dihadapi, katanya pada persidangan berita di sini hari ini.

Beliau berkata generasi baru perlu memandang jauh ke hadapan dalam menghadapi perubahan paradigma yang pasti timbul di dalam proses kita menuju ke status negara maju menjelang tahun 2020.

Katanya, sempena perasmian itu juga Perdana Menteri akan menyampaikan ucapan khas kuliah perdana bertajuk "Malaysia Dalam Milenium Akan Datang: Cabaran Bagi Generasi Baru".

Penyertaan siri kuliah itu dibuka kepada orang ramai dan keutamaan akan diberikan kepada anggota PAUM.

Mereka yang berminat menghadiri kuliah itu boleh menghubungi Setiausaha Kehormat PAUM, Cik Ellen Loh dengan menelefon 03-2913764.

-- BERNAMA  
HAB AKD